

滿漢亮吉孫星衍同撰

藝文十七

明進士張邦俊節婦孫氏傳

墜井婦者三雲縣倅孫公女也倅諱嘉士字名彥號巽澄娶王氏去抱俊才應黜朱依數奇命寔竟外孫山有奇氣尚節義生婦於隆慶丁卯十二月初七日質婉氣榮不類凡兒自孩提以至笄字未嘗輕一言笑嘗聞父敬戒從一之旨若有契者年十八擇配邑庠生鄭柄恪修婦道大為姑氏眷注相夫苦學期於大成不意穹蒼靡佑夫病作婦供湯藥滌便溺焚香籲天誓以死代未幾夫疾篤甫屬續而婦忽不見姑急索之已墜南院井中矣姑急呼家童數輩至井聞井中有呻吟聲姑大呼曰婦勿

卷之八

死婦有幼女婦死誰為乳之吾老矣婦死誰能事之井有垂縵

可攀握而上婦依稀唯唯家童輩挽縵而婦隨上得不死初婦

之墜井也井深三百尺水深丈餘婦墜水底俄而躍起水面面

有垂縵縵端一桶婦足履桶上乘縵而升比及井上眾方挽婦

髮是身而桶柄忽折桶落井中夫墜井水深丈餘必死不死而

躍起水面乘桶而升桶柄折必死身出而柄折桶墜嗚呼異哉

嗚呼異哉婦出井握髮整衣一如常態纖無撲損伏夫屍下哀

號如禮期以事姑乳女事竣方死已而幼女殤又百方覓死婦

氏憐其孤分其女以女之嫂氏恐其斃分其子以子之姑氏哀

其苦倍其愛以撫摩之方是時也按夫柄生嘉靖四十二年九

月二十四日至萬曆十七年四月廿四日死方若十歲婦至夫

死方若干歲人意其年少孀居空門恐不堅婦則勉探井曰勤績

死方若干歲人意其年少孀居空門恐不堅婦則勉探井曰勤績

幼事姑終身卒以壽終子嫂于鄭豪俊娶婦生子卒承夫祀今年三十有七終身樂可卜世邑令高君扁曰貞靜超塵教諭楊君扁曰烈義可風後主簿王君舉人署教諭文君成有題咏予遂按狀作傳著詩并錄諸公題咏以傳

布政使王宏祖李烈婦呼氏傳

李烈婦呼氏徵之時庄里人也父曰應禎闕鄉承母曰杜媪出故廣靈令一肯丞無男子婦生而幽閑貞靜言笑不苟相攸得邑人李自誠子朱蓋委禽焉婦有至性時對父母而泣生于不生男豈能長繞膝下哉于歸爲李氏婦相夫勸讀機杼伊吾聲相雜也申旦不休朱蓋以是爲博士弟子員事尊章孝如其母而章則繼叔郎有欲析箸異財者婦不可吾夫妻年事可經紀門戶奈何以少子累翁姑拮据辛瘡里人賢之朱蓋遭危證婦

澄城縣志卷十八

二

一

知其不可爲也晝夜侍疾血淚與湯藥同煎崇禎甲戌秋仲章而訣婦從一而終若所習聞吾遊矣女德不爽遙恤我後婦痛而絕絕而蘇君子知我狗彘我乎當是時婦有遺腹剪髮割耳以見志爲此一塊肉未敢卽從地下若免也男君之幸也妾敢憚勞事不可知髮耳具在殉豈忘心於是忍死自護度幾誕彌厥月秋季竟以哀傷墮胎則婦望孤時又疑媵有身先君子血胤無斬若子吾子豈必屬毛離裏哉已而知疾也非孕也則望又孤死志遂決不可復回婦之父母逝而歸與其鄰媪慰解百方應之以笑旋復大哭翁姑有子能特無後久滯人問世而從地下人謂未亡人寒盟乎防者甚周不得問也冬孟望日攜一婢裸翁疾抵其夫家倚竈以絮衣授翁姑莫識其意越二日漏兩下卽沈自經同寢者覺而啓視氣已絕矣顏色如生五百不

敗博士弟丁員君而人鄉紳韓給紳一其孫命憲士誓若而人
聞其事於有司贊曰死固難處死尤難下宮之難客志趙氏者
謂死易立孤難烈婦忍死委曲以延夫祀天不降李朱蓋假而
圖難不濟以死繼之又未可與輕生殉名同日論也朱蓋以婦
不朽丞之夫婦亦不朽李氏子死於子生人之顯親揚名豈必
須得丈夫哉為傳其事俟觀風者采焉

明石道立習文學瘞旅文

嘉靖庚寅歲余偕諸友卜舍考業適邑城隍廟有置棺東廊者
詢之父老但云洛川縣主簿家久不知響土亦不知姓字越三
載無人歸葬且委棄厠中至有發其棺暴其尸者予每見輒撫
膺流涕謀為掩覆值俗務紛錯竟不果迄今歲壬辰三月某日
始卜邑馬壇之良隅掘一坎瘞之又以肴一豆飯三盂化冥紙

三封吁嗟涕洟而告之曰嗚呼傷哉爾伊何人顧暴露於是耶
吾澄城庠生習朝用也吾不知爾郡邑爾胡為流離棄捐為茲
土之鬼也耶古人重離鄉閭爾從宦遊志不過溫飽耳乃竟隕
厥命是則可哀也憶爾屬纊時啓而手足妻耶子耶是則可哀
也使得返柩鄉曲依松楸即幽宅爾心亦少降矣今若此是則
可哀也吾雖不爾識但寓形宇內吾同胞耳念殘骸之無依軫
懷嬰念凡三越歲矣今乃持舂歸來瘞爾者將以安爾魄慰吾
心焉耳爾縱不吾知吾能為爾已耶吾意爾旅而死抱無厓之
悲矣吾為爾釋爾聽之夫東西南北同一中土也何懷鄉之悲
哉長天厚地吾大父母也何遊子之悲哉四海之內皆兄弟也
何孤特之悲哉吾瘞爾卜於斯則時祭永錫矣無以無子悲也
遷葬之塚壘壘可與呼嘯而非爾矣

路世美序唐魏文貞公北徵家譜記

按北徵唐太宗賜鄭國文貞公魏徵莊田也其子孫世居焉今大賢里有魏公墓南北鄉頗多魏姓以邑乘考之且世有聞人吳邑侯展公祠宇詢其後嗣皆言自洪治初縣丞竊譜一事默然久之一日思公祠址寬濶必有遺碣因而修築繕垣掘土求之果得鄭公七尺大碑深以為奇及沉閱全文乃唐縣令鄭楚相德政非公事也雖然楚相為昌黎好友碑文又出聖諭學士陳京所撰而書之者名卿鄭雲達也踴芳文粹筆精氣邁斯亦足寶矣且求一鄭而得兩鄭不亦奇異矣哉侯即分俸砌龕并合而貯之又為補其斷文別刻于石再鑄全帙以俟割補焉然而文貞世系不見明文終屬憾事曷示至鑑也于是攷集遺書續厥家譜又勒貞珉甃于公之塚左與唐碑巋然相望文貞苗裔自是血食不斷矣是在順治十七年之三月也余維車鐸發响池鐵奮飛理固有之而續譜以存先臣之嗣垂世以昭大賢之祚其用心良厚矣事關文獻是烏得以無記吳侯諱定字澹菴江南人

澄城縣志卷十八

國朝張秉直王官城辨
邑西北六十里歸安村有王官古城遺址邑乘謂左傳穆公伐晉取王官及郊即此予嘗登覽其處周國約二里許基厚二丈餘地瀕溝壑城小而固非居民所築無疑於其地得古瓦一完好如初濶一尺零長一尺五寸微弱背有深紋形製朴拙儼周秦間物也史記秦穆公三十六年大敗晉人取王官及郊括地志云王官故城在同州澄城縣西北五十里南郊故城在縣北十七里又有北郊故城西郊故城邑乘蓋本諸此予讀史記秦

穆公三十六年大敗晉人取王官及郊括地志云王官故城在同州澄城縣西北五十里南郊故城在縣北十七里又有北郊故城西郊故城邑乘蓋本諸此予讀史記秦

紀穆公十五年與晉戰於韓原括地志云韓原在同州韓城縣西南十八里三十四年穆公使孟明視等將兵伐晉戰於彭衙括地志云彭衙故城在同州白水縣東北六十里是時秦都雍晉都絳由雍及絳自西南而東北則今韓郁澄白多秦晉交兵之處志以邑之王官爲穆公所取之王官蓋有山矣然考春秋左氏傳文公三年秦伯伐晉濟河焚舟取王官及郊晉人不出遂自茅津封穀尸而還曰濟河則已踰河而東矣曰自茅津濟茅津今平陸縣古渡杜預所謂大陽渡是也南對陝州則又踰河而南矣初晉殲秦師於穀匹馬隻輪無反者拜賜之役又敗秦伯不以孟明再敗爲罪孟明於是致死於晉晉人避之故能深入晉地取王官取郊又踰河而南封向所覆尸還然則王官與郊當在河東晉地不得以邑之王官當之明矣又考括地志蒲州猗氏縣南二里有王官故城亦秦伯所取廣輿記臨晉有王官谷上有天柱峯高擢雲表唐司空圖隱居處也春秋傳說彙纂王官杜注晉地今山西平陽府臨晉縣東南七十里王官谷有廢壘卽其地也郊杜注晉地當爲臨晉平陽間小邑然則秦人所取之王官乃臨晉之王官而邑之王官亦周秦間古城偶同其名括地志兩存其說邑乘不考失於附會焉耳夫古地可考者大都自春秋以後然乖舛訛誤如斯者不可勝數自禹平水土以後玉帛萬國歷夏商周千有餘年其間都邑之墜翼人民之蕃阜夏商先王朝觀會同之所不知其凡幾也而今皆湮沒於斷壟荒草間學士大夫無能過而問者嗚呼可勝道哉

登陽縣志卷十八

五

張乘直 漆沮洛三水考

秦水以漆沮名者有三一其卽河渠書之維水又名漆沮者耳
一在漢扶風地近西一在滹沱地居中一卽維水居東詩云
民之初生自土沮漆傳云沮漆二水名在豳地山海經翰次之
山漆水出焉水經漆水出扶風杜陽縣今麟遊縣俞山東北入於渭
酈道元注引班固地理志云漆水出漆縣西又引關駟十三州
志云漆水出漆縣西北岐山東入渭又云今有水出杜陽縣岐
山北柴溪謂之柴渠西南流注岐水但川土奇異今說互出考
之經史各有所據識薄見淺無以辨之予按今扶風縣有漆水
南流與渭水合入渭水經謂東北入渭誤而註謂西南流注岐
水或今昔異地或者據未真此漢扶風之漆詩傳所謂在豳地
者是也酈注又引尚書禹貢太史公禹本紀云導渭水東北
至涇又東經漆沮入於河明一統志因之遂言馮翊之漆出自

扶風縣志卷十八

六

鳳翔漢扶風則誤合豳之漆沮爲禹貢馮翊之漆沮其謬甚矣然

詩言漆沮而沮自孔穎達正疏卽云未知所出今亦不敢臆說

要不出豳岐地可知也禹貢漆沮旣從澧水攸同又云導渭自

鳥鼠同穴東會於澧又東會於涇又東過漆沮入於河予按此

漢馮翊漆沮也地理今釋云漆水源出西安府同官縣北高山

經縣城東合同官水西南至耀州與沮水合沮水出延安府中

部縣西南流經宜君同官二縣境至耀州城南會漆水東南入

富平縣亦名石川河又南流至臨潼縣北交口鎮入渭予按此

禹貢所謂漆沮旣從又東過漆沮入於河者是也此兩漆沮見

於詩書其有漆沮名宜矣若洛水之名漆沮則古無聞焉有之

自水經始淮南子云洛出獵山高誘注云獵山在北地今慶西

北夷中東南流入渭雜出熊耳注云熊耳在京師上雒今雒西

南流

北予按洛雒古字通用然入渭之洛不可同於上雒之雒猶幽之漆沮不可同於禹貢馮翊之漆沮也明矣水經沮水出北地

直路縣東今延安府宜君縣過馮翊被翊縣北今耀州宜君縣東入於洛

陝西通誌子午水在宜君縣北一百三十里源出子午嶺東南

流入中部縣合沮水沮水在中部縣南亦自子午嶺來行二百

里東南流入洛水予按洛自名洛本無沮名源出定邊堡今改

澗口峪中琉璃廟前北至定邊百餘里其水出土即濁異於他

水西南流經保安塞地至甘泉縣又東南流至鄜州交口葫

蘆河入焉葫蘆河即通誌所謂合子午水之沮水也源出安化

縣墨水坡西南至慶陽府一百八十里東南流經合水界至鄜

州入洛誌謂源出宜君子午嶺非洛又南流經洛川中部宜君

界又東南經白水澄城蒲城界至三蟻子橋西受白水白水俗

亦名漆水即水經所謂出直路之沮水也又南行過同州至朝

邑入渭其地俗名三河口謂洛也渭也河也洛本入渭時或入

河以河性善崩遷徙無常故耳然則洛本名洛以受二沮水或

亦有沮之名故顏師古曰洛水即漆沮也而諸家或昧其原或

誤其流舛訛承襲迄無定說良以水行千里蜿蜒蟻槎枿山民能

知而不能言學士大夫鮮或經歷其地其阻澗不合蓋有由矣

夫禹貢所載山川紀其疏通所及者耳非若山經地輿之臚列

靡遺也洛水自澗口發源千里而遙皆深谿大壑水即泛濫不

能旁溢故洛雖大於漆沮無功則不紀自其宜耳漆沮自耀州

出山歷川原適岡阜即時有高低下要總平疇數百里與民居百

有襄陵之勢自不能免此禹貢所以紀漆沮而不紀洛水也諸家見洛水大於漆沮又洛亦有沮名故說多穿鑿今悉錄條辨

以解歐庶後學者不迷焉延安洛記云洛水出慶陽府環縣卽古洛源縣也經延安府甘泉縣卽古雕陰縣也經鄜州宜君縣子午嶺至中部縣入西安府界經耀州及同官縣至富平縣合沮水歷蒲城同州至朝邑縣東南入渭予按陝西通誌所謂合子午水之沮水俗名葫蘆河者源出慶陽府安化縣在府東北一百八十里與古洛源縣鄰洛源漢縣名也或漢人失考以二水同流誤以此爲洛源耳至謂經耀州同官至富平則又混入禹貢馮翊之漆沮矣洛水至鄜州卽折而東南耀州在其南中隔大山數層烏能至彼哉洛記記洛之書源流舛錯尚如是他何怪乎水經注沮水一源俱出直路縣東中分爲二一南入渭一東入洛其言入洛也曰東運粟邑縣故城又東北流注洛粟邑今白水縣也是合洛水所受直路之沮與禹貢馮翊之沮爲一水也夫直路之沮源自東注馮翊之沮本自南行源雖相近中又有山隔限阻折下流或東或南莫能相通豈可謂其一源中分乎孔傳曰漆沮二水名亦曰洛水出馮翊北周禮職方氏雍州其浸渭洛鄭注洛出懷德按漢書地理志云懷德禹貢北條荆山在南下有彊梁原洛水東南入渭懷德今富平縣地與白水隣曰荆山在南直路之沮正由荆北是亦白水入洛直路之沮也其曰洛者蓋據所入言之耳然孔傳之言原釋禹貢亦曰洛水豈馮翊漆沮亦有洛之名乎程氏大昌曰雍地四漆沮而西三派禹貢漆沮惟富平石川河正當其地漆在沮東至葦原州今離而西乃始合沮沮在漆西旣已受漆則遂南東而合乎洛洛又在漆沮之東至同州白水縣與漆沮合而相與南流以入於渭三水雖分及至白水縣遂混爲一流予按程氏以禹貢

潞河爲石川河是矣然華原外一者卽石川河之上流白水合者乃直路入洛之沮水一自南流一自東注烏能混三爲一手至寰宇記所言沮水自坊州拜平縣今省入北子午嶺出則通誌宜利之子午水也下合榆谷慈馬等川遂爲沮水則通誌初入洛之沮水所謂瀟瀟河也其源非與通誌同而又謂至灤州華原縣合潞沮復混入而黃鸞嶺潞沮末又云至同州朝邑入渭其失大都與洛記程氏大旨同而蔡傳引此經者殊爲未安夫地輿山水從古未渝况秦中水以沮名者雖有潞沮則詩之古公篇也華原有潞沮則禹之高貢篇也洛水又受二沮則水經之沮與通誌子午嶺之沮也洛既受沮宜有沮名據孔安國信則潞沮亦有洛名矣名旣紛濶其流派錯亂如諸家之說亦復何怪乎予採摭群書世以所聞雖自謂精密然猶簡故牘尋

卷之八

知不啻然笑其陋耶

張乘直澄城山水考

旗山在澄城縣西北八十里北連韓城諸山形勢高聳爲澄邑諸山之祖南行二里許爲覆釜山又東南行二十里爲將軍山又西折而南可五里許爲鳳山鳳山有三枝西枝盡於峪東枝下行則縣嶺也中枝南行二里許爲社翁山山有社神廟乃土民祈報之所自旗山至社翁山可三十里社翁山下則山之麓也縣西河源始此旗山西折而行里許爲武帝山武帝山高與旗山齊兩山對峙一凹中分如門闕然所謂雲門谷也凹北水北流二十里入緱川城隍川河凹南平田八十畝田外直凹正中

中有山崛起巨石巖巖如樓形獨秀異爲石樓山俗名石塔白

旗山下諸山皆土山戴石此小峯獨絕石孤挺似終南名勝澄他山皆不及也旗山東南山峪水泉會爲大峪河繞邑左襟由西北而東南而正南復折而西遙臨高原北至蒲城縣界入雒俗名撲地河旗山正南山峪水南流十里許折而西至魯家河會武帝山石紅蘿谷諸水南流爲長寧河入雒界頭山在武帝山右北界洛川又西南爲壺梯山則踰長寧河而西矣舊志指郃陽之武帝山爲此武帝不知其實二山相去四十餘里云張秉直雒水諸險記

河之險以三門砥柱江之險以灤瀕瞿塘江河大水也舟行由之故世艷稱焉他小水非無險由無名故不著關中之水河爲大渭次之涇又次之其次莫若雒史記河渠書武帝欲穿渠引雒以澆重泉者是也雒水至澄白始大其險亦始奇有名三娘

橋者一娘橋者有名分水嶺者又有名湫頭者湫頭在河下流右懸崖高可十丈河自上瀉下怒濤奔波聲如雷轟自下觀之又如萬斛珠璣鬪空傾落激湍濺飛百步外迥不可視湫上夏雨暴長走石流砂滾滾不窮下卽平夷求拳石不可得造物生化之機亦神矣哉分水嶺在河中央小山孤峙如獬豸踞坐形下石上土高十餘丈大不盈頃上有元武廟修真者常居之按爾雅水中可居曰洲石山戴土曰崔嵬茲本洲也而以嶺名邑人之無學可知矣宜更名獬豸洲湖嶺上二里許爲三娘橋橋上下岸底皆土此獨純石怪靈參差攪河中流如螭如鯨如鼉鼉鼓浪如蛟龍鬪水如雲雷輾轉纏護中分三峽瀉水潤僅丈餘舊有橋今圯橋下亂石排堆旋者似螺方者似鼉頸長者似龜鼻嶺妖怪離奇不可名狀要與橋石皆根蒂相連地理家言

類也哉徐諱敬賢
錢塘人例得附書

